

մտեալ ի մէջ և խնդրէին իրաւունսն ի պատրիարքէն, գոնեա յաղճատանաց անդորրանալ, զի յոյժ լինէր կռիւն, և ոչ կամէին տալ զԺԴԹ դուռուն, և եղիազար վարդապետն ոչ տայր, այլ զանցեալն պահանջէր և Համար տո՛ւք ասէր: Ճարն այս եղեալ որ Ռ Ռ դուռուն յեկեղեցեաց վերայ արկ, որ ԶԹ եղև մի բաժինն և զԴԹ դուռուն ի վերայ երուսաղէմայ արկ և զԴԹ դուռուն ի վերայ խոճայիցն՝ զի յւերեանս բաժանեցեն. և եղև այսպէս: Բայց բազում իրիցունք և աշխարհականք տրտնջացին զպատրիարքէն թէ Անիրաւութիւն արար որ յեկեղեցեաց վերայ արկ. և որք զիտէին զեղեալն, որ զիրն ևս ի նոցունց էր, սակայն ատելոյ պատճառ կալան ոմանք. և ամենայն եկեղեցի հնազանդեցան, և Սուրբ Նիկողոսոս իրիցունք՝ ոչ, զորս և արտաքսեաց յեկեղեցոյն զԴԹ-ն ևս միանգամայն, և Զ երէց յԱստուածածնէ առաքեալ, որ մշտնջենաւոր ազօթս կատարէին անդ, որ յաւուրս տօնի Փոխման Սուրբ Աստուածածնի եկեալ եղին երաշխաւոր¹⁾ միմեանց և առին զհազար դուռուն և ապա մօին յեկեղեցի: Եւ զասն քիւրէքճոյ փողին՝ առեալ էին յայլազգոյ ումեմնէ²⁾ զրամ և ոչ էին տվեալ, և պահանջէր տէր փողոյն և նոքա ոչ տային, այլ յօր աւուր արկանէին: Յաւուր միում կայր առ պատրիզն [եւ] առ եղիազար վարդապետն, գայր անօրէնն և իրաւունս խնդրէր. և զԺԱ իրիցու փիլոնն առ յեկեղեցոյն, և ապա յետ աւուրց հատուցին զնոյն: Ումեմն պարտական էին յեկեղեցոյն այնմ, և յորժամ տարաք ընծայ առ նոր եղեալ զայմախամն Սուլէյման, որ Յունիսի ժե էր լեալ և տէր զրամին նախարար նորա, ասաց առ Վարդապետն տալ զփողն առն այնորիկ. և պատուիրեաց և նա իրիցանցն, և ձգէին յեր-

1) երեշխաւոր.

2) ումեմն.